

Na osnovu člana 8. i 23. Zakona o ministarstvima i drugim organima uprave Tuzlanskog kantona-prečišćeni tekst (“Službene novine Tuzlanskog kantona” broj: 10/18) i člana 160. stav (2) Zakona o srednjem obrazovanju i odgoju-prečišćeni tekst („Službene novine Tuzlanskog kantona“, broj; 10/20, 11/20, 8/21, 11/21, 22/21, 5/22, 10/22 i 11/22), ministar obrazovanja i nauke Tuzlanskog kantona, donosi

## **O D L U K U**

**o utvrđivanju uslova, kriterija, postupka i načina isplate za dodjelu stipendija posebno nadarenim redovnim učenicima srednjih škola na području Tuzlanskog kantona u školskoj 2022/2023. godini**

### **I - OPĆE ODREDBE**

#### **Član 1. (Predmet)**

Ovom odlukom utvrđuju se uslovi, kriteriji i postupak za dodjelu stipendija u školskoj 2022/2023. godini posebno nadarenih redovnih učenika srednjih škola na području Tuzlanskog kantona, te način isplate finansijskih sredstava.

#### **Član 2. (Korisnici prava)**

Pravo na dodjelu stipendije po ovoj odluci imaju posebno nadareni redovni učenici srednjih škola na području Tuzlanskog kantona koji su ostvarili rezultate po sljedećim uspješnim ostvarenjima: opći uspjeh postignut u prethodnoj školskoj godini u smislu završenog razreda osnovne ili srednje škole, uspjeh na natjecanjima iz oblasti općih, stručnih predmeta iz nastavnog plana i programa, opći uspjeh ostvaren u prethodnoj školskoj godini u smislu završenog razreda paralelne muzičke škole, uspjeh iz oblasti tehničkog stvaralaštva, kulturno-umjetničkog stvaralaštva – književnih, likovnih, pozorišnih i muzičkih ostvarenja, uspjeh iz oblasti sporta i sportskih učeničkih školskih programa te drugih sportskih uspješnih ostvarenja, ostvarene posebne diplome za ostvarene rezultate i diplome učenik generacije, koji se obrazuju i redovno pohađaju srednju školu na području Tuzlanskog kantona u školskoj 2022/2023. godini (u daljem tekstu: kandidat).

#### **Član 3. (Finansijska sredstva)**

Finansijska sredstva za dodjelu stipendija osiguravaju se Budžetom Tuzlanskog kantona, a raspodjela sredstava vršit će se u skladu sa planiranim i operativnim sredstvima u Budžetu Tuzlanskog kantona za 2022. godinu na potrošačkoj jedinici 24010018 – Ministarstvo obrazovanja i nauke, Stipendiranje posebno nadarenih učenika srednjih škola, ekonomski kod 614200, OBD206 za srednje škole.

**Član 4.**  
**(Visina stipendije)**

(1) Ukupna visina stipendije, po jednom kandidatu, u skladu sa odredbama ove odluke iznosi 1.350,00 KM (slovima: hiljadutristotinepedeset konvertibilnih maraka).

(2) Isplata stipendije vršit će se u četiri jednake mjeseče rate, a visina jedne rate iznosi 337,50 KM (slovima: tristotinetridesetsedam konvertibilnih maraka i 50/100).

**Član 5.**  
**(Ukupan broj korisnika stipendije)**

(1) Pravo na stipendiju po ovoj odluci može se odobriti za ukupno 96 kandidata i to:

- a) 40 stipendija po osnovu ostvarenih rezultata iz općeg uspjeha postignutog u prethodnoj školskoj godini u smislu završenog razreda osnovne ili srednje škole; uspjeh na natjecanjima iz oblasti općih, stručnih predmeta iz nastavnog plana i programa; ostvarene posebne diplome za ostvarene rezultate i diplome učenik generacije;
- b) 30 stipendija po osnovu ostvarenih rezultata iz općeg uspjeha postignutog u prethodnoj školskoj godini u smislu završenog razreda osnovne ili srednje škole, opći uspjeh ostvaren u predhodnoj školskoj godini u smislu završenog razreda paralelne muzičke škole; uspjeh u oblasti tehničkog stvaralaštva i kulturno-umjetničkog stvaralaštva – književnih, likovnih, pozorišnih i muzičkih ostvarenja; ostvarene posebne diplome za ostvarene rezultate i diplome učenik generacije;
- c) 26 stipendija po osnovu ostvarenih rezultata iz općeg uspjeha postignutog u prethodnoj školskoj godini u smislu završenog razreda osnovne ili srednje škole; uspjeh iz oblasti sporta i sportskih učeničkih školskih programa, te drugih sportskih uspješnih ostvarenja; ostvarene posebne diplome za ostvarene rezultate i diplome učenik generacije.

(2) Ukoliko se na konkurs ne javi dovoljan broj kandidata po nekom od osnova iz stava (1) tačka a), b) i c) ovog člana, broj stipendija za kandidate iz drugih oblasti uspjeha iz stava (1) tačka a), b) i c) ovog člana se povećavaju srazmjerno ukupnom broju mogućih stipendija.

(3) Ukoliko se na konkurs javi kandidat po više osnova iz stava (1) tačka a), b) i c) ovog člana, bodovanje i klasifikacija kandidata se vrši prema kategoriji u kojoj kandidat ostvaruje veći broj bodova za dodjelu stipendije i ulazi u tu kategoriju nadarenog učenika.

**II - USLOVI ZA DODJELU STIPENDIJE**

**Član 6.**  
**(Uslovi za dodjelu stipendije)**

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je redovan učenik srednje škole na području Tuzlanskog kantona u školskoj 2022/2023. godini.

### III - KRITERIJI ZA DODJELU STIPENDIJA

#### Član 7. (Kriteriji za dodjelu stipendija)

Rangiranje kandidata za dodjelu stipendije vrši se na osnovu sljedećih kriterija:

- a) opći uspjeh postignut u prethodnoj školskoj godini u smislu završenog razreda osnovne ili srednje škole,
- b) uspjeh na natjecanjima iz oblasti predmeta iz nastavnog plana i programa u prethodnoj školskoj godini (završni razred osnovne škole ili rezultati pojedinačnog školskog uspjeha u prethodnoj školskoj godini u srednjoj školi),
- c) opći uspjeh ostvaren u prethodnoj školskoj godini u smislu završenog razreda paralelne muzičke škole i osvojenih mjesta na natjecanjima,
- d) uspjeh iz oblasti tehničkog stvaralaštva, kulturno-umjetničkog stvaralaštva – književnih, likovnih, pozorišnih i muzičkih ostvarenja postignut u prethodnoj školskoj godini,
- e) uspjeh iz oblasti sporta i sportskih učeničkih školskih programa te drugih sportskih uspješnih ostvarenja postignut u prethodnoj školskoj godini,
- f) ostvarene posebne diplome za ostvarene rezultate i diplome učenik generacije.

#### Član 8. (Bodovanje po osnovu ostvarenog uspjeha u prethodnoj školskoj godini osnovne ili srednje škole)

(1) Po osnovu općeg uspjeha postignutog u prethodno završenom razredu škole kandidatu pripadaju sljedeći bodovi:

- a) odličan uspjeh - prosjek 5,00.....10 bodova;
- b) odličan uspjeh - prosjek 4,90-4,99.....8 bodova;
- c) odličan uspjeh - prosjek 4,80-4,89.....6 bodova;
- d) odličan uspjeh - prosjek 4,70-4,79.....4 boda;
- e) odličan uspjeh - prosjek 4,60-4,69.....2 boda;
- f) odličan uspjeh - prosjek 4,50-4,59.....1 bod.

#### Član 9. (Bodovanje po osnovu uspjeha na natjecanjima iz oblasti predmeta iz nastavnog plana i programa)

(1) U skladu sa Pravilnikom o organizaciji natjecanja učenika osnovnih škola ("Službene novine Tuzlanskog kantona", broj: 3/20) a na osnovu uspjeha iz predmeta iz nastavnog plana i programa, kandidatu pripadaju sljedeći bodovi:

- a) za osvojeno **prvo** mjesto na **međunarodnom** natjecanju, iz predmeta iz nastavnog plana i programa.....10 bodova;
- b) za osvojeno **drugo** mjesto na **međunarodnom** natjecanju, iz predmeta iz nastavnog plana i programa.....8 bodova;
- c) za osvojeno **treće** mjesto na **međunarodnom** natjecanju, iz predmeta iz nastavnog plana i programa.....5 bodova;
- d) za **učešće** na **međunarodnom** natjecanju, iz predmeta iz nastavnog plana i programa 3 boda;
- e) za osvojeno **prvo** mjesto na **državnom** natjecanju, iz predmeta iz nastavnog plana i programa.....8 bodova;

- f) za osvojeno **drugo** mjesto na **državnom** natjecanju iz oblasti predmeta iz nastavnog plana i programa.....5 bodova;
- g) za osvojeno **treće** mjesto na **državnom** natjecanju, iz oblasti predmeta iz nastavnog plana i programa .....3 boda;
- h) za **učešće** na **državnom** natjecanju, iz oblasti predmeta iz nastavnog plana i programa 2 boda
- i) za osvojeno **prvo** mjesto na **federalnom** natjecanju, iz oblasti predmeta iz nastavnog plana i programa.....5 bodova;
- j) za osvojeno **drugo** mjesto na **federalnom** natjecanju, iz oblasti predmeta iz nastavnog plana i programa.....3 boda;
- k) za osvojeno **treće** mjesto na **federalnom** natjecanju, iz oblasti predmeta iz nastavnog plana i programa.....2 boda;
- l) za **učešće** na **federalnom** natjecanju, iz oblasti predmeta iz nastavnog plana i programa 1 bod
- m) za osvojeno **prvo** mjesto na **kantonalnom** natjecanju, iz oblasti predmeta iz nastavnog plana i programa.....4 boda;
- n) za osvojeno **drugo** mjesto na **kantonalnom** natjecanju, iz oblasti predmeta iz nastavnog plana i programa.....3 boda;
- o) za osvojeno **treće** mjesto na **kantonalnom** natjecanju, iz oblasti predmeta iz nastavnog plana i programa.....2 boda;
- p) za **učešće** na **kantonalnom** natjecanju, iz oblasti predmeta iz nastavnog plana i programa.....1 bod.

#### Član 10.

#### (Bodovanje po osnovu ostvarenog uspjeha u prethodnoj školskoj godini u smislu završenog razreda paralelne muzičke škole i osvojenih mjesta na natjecanjima)

(1) Po osnovu općeg uspjeha postignutog u prethodnoj školskoj godini u smislu završenog razreda paralelne muzičke škole, kandidatu pripadaju sljedeći bodovi:

- a) odličan uspjeh - prosjek 5,00.....10 bodova;
- b) odličan uspjeh - prosjek 4,90-4,99.....8 bodova;
- c) odličan uspjeh - prosjek 4,80-4,89.....6 bodova;
- d) odličan uspjeh - prosjek 4,70-4,79.....4 boda;
- e) odličan uspjeh - prosjek 4,60-4,69.....2 boda;
- f) odličan uspjeh - prosjek 4,50-4,59.....1 bod.

(2) Po osnovu osvojenih mjesta na natjecanju u skladu sa Pravilnikom o organizaciji natjecanja učenika osnovnih škola (“Službene novine Tuzlanskog kantona”, broj: 3/20) kandidatu pripadaju sljedeći bodovi:

- a) za osvojeno **prvo** mjesto na **međunarodnom** natjecanju, iz predmeta iz nastavnog plana i programa.....10 bodova;
- b) za osvojeno **drugo** mjesto na **međunarodnom** natjecanju, iz predmeta iz nastavnog plana i programa.....8 bodova;
- c) za osvojeno **treće** mjesto na **međunarodnom** natjecanju, iz predmeta iz nastavnog plana i programa.....5 bodova;
- d) za **učešće** na **međunarodnom** natjecanju, iz predmeta iz nastavnog plana i programa.....3 boda;
- e) za osvojeno **prvo** mjesto na **državnom** natjecanju, iz predmeta iz nastavnog plana i programa.....8 bodova;
- f) za osvojeno **drugo** mjesto na **državnom** natjecanju iz oblasti predmeta iz nastavnog plana i programa .....5 bodova;

- g) za osvojeno **treće** mjesto na **državnom** natjecanju, iz oblasti predmeta iz nastavnog plana i programa.....3 boda;
- h) za **učesće** na **državnom** natjecanju, iz oblasti predmeta iz nastavnog plana i programa .....2 boda;
- i) za osvojeno **prvo** mjesto na **federalnom** natjecanju, iz oblasti predmeta iz nastavnog plana i programa.....5 bodova;
- j) za osvojeno **drugo** mjesto na **federalnom** natjecanju, iz oblasti predmeta iz nastavnog plana i programa.....3 boda;
- k) za osvojeno **treće** mjesto na **federalnom** natjecanju, iz oblasti predmeta iz nastavnog plana i programa.....2 boda;
- l) za **učesće** na **federalnom** natjecanju, iz oblasti predmeta iz nastavnog plana i programa .....1 bod;
- m) Priznanje, diploma, pohvala, specijalna nagrada i drugi dokaz za promociju iz oblasti muzičkih ostvarenja.....10 bodova;
- n) Za osvojeno **prvo** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **međunarodnim** natjecanjima iz oblasti muzičkog stvaralaštva.....10 bodova;
- o) Za osvojeno **drugo** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **međunarodnim** natjecanjima iz oblasti muzičkog stvaralaštva.....8 bodova;
- p) Za osvojeno **treće** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **međunarodnim** natjecanjima iz oblasti muzičkog stvaralaštva.....6 bodova;
- q) Za **učesće** na **međunarodnim** takmičenjima/nastupima kao što su hor, individualni-solo, kolektivni/ekipni nastup, orkestar, prezentacije, festivali, smotre iz oblasti muzičkog, stvaralaštva.....4 boda;
- r) Priznanja, diplome, pohvale, specijalne nagrade i drugi dokazi za **ostala** natjecanja učenika organizirano na **međunarodnom** nivou, za čije učesće učenik nije ostvario plasman na nižoj razini (natjecanje po direktnoj liniji i sl.).....3 boda;
- s) Za osvojeno **prvo** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **državnim** natjecanjima iz oblasti muzičkog stvaralaštva.....7 bodova;
- t) Za osvojeno **drugo** mjesto, diploma, specijalna nagrada, nagrada u individualnom-solo, kolektivno/ekipnom nastupu na **državnim** natjecanjima iz oblasti muzičkog stvaralaštva.....6 bodova;
- u) Za osvojeno **treće** mjesto, diploma, specijalna nagrada, nagrada u individualnom-solo, kolektivno/ekipnom nastupu na **državnim** natjecanjima iz oblasti muzičkog stvaralaštva.....5 bodova;
- v) Za **učesće** na **državnim** natjecanjima kao što su hor, individualni-solo, kolektivno/ekipni nastup, orkestar, prezentacije, festivali, iz oblasti muzičkog stvaralaštva.....3 boda;
- w) Priznanja, diplome, pohvale, specijalne nagrade i drugi dokazi za **ostala** natjecanja učenika organizirano na **državnom** nivou, za čije učesće učenik nije ostvario plansman na nižoj razini (natjecanje po direktnoj liniji i sl.).....2 boda.

(3) Bodovanje po stavu (2) ovog člana vrši se samo iz jedne takmičarske discipline i to iz discipline za koju je kandidat ostvario najveći plasman na natjecanju.

## Član 11.

### (Bodovanje po osnovu ostvarenih rezultata iz oblasti tehničkog stvaralaštva, kulturno-umjetničkog stvaralaštva – književnih, likovnih, pozorišnih i muzičkih ostvarenja)

(1) U skladu sa Pravilnikom o organizaciji natjecanja učenika osnovnih škola (“Službene novine Tuzlanskog kantona”, broj: 3/20) a na osnovu uspjeha iz oblasti tehničkog stvaralaštva, kulturno-umjetničkog stvaralaštva – književnih, likovnih i muzičkih ostvarenja kandidatu pripadaju sljedeći bodovi:

- a) Priznanje, diploma, pohvala, specijalna nagrada i drugi dokaz za objavljeno književno i literalno djelo, samostalnu izložbu, samostalnu prezentaciju, promociju iz oblasti kulturno-umjetničkog stvaralaštva – književnih, likovnih, pozorišnih i muzičkih ostvarenja.....10 bodova;
- b) Za osvojeno **prvo** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **međunarodnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....10 bodova;
- c) Za osvojeno **drugo** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **međunarodnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....8 bodova;
- d) Za osvojeno **treće** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **međunarodnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....6 bodova;
- e) Za **učešće** na **međunarodnim** takmičenjima/nastupima kao što su hor, individualni-solo, kolektivni/ekipni nastup, orkestar, prezentacije, izložbe, festivali, smotre iz oblasti muzičkog, književnog, likovnog, pozorišnog i drugog umjetničkog stvaralaštva kao i učešća na međunarodnim takmičenjima/nastupima iz oblasti tehničkog stvaralaštva.....4 boda;
- f) Priznanja, diplome, pohvale, specijalne nagrade i drugi dokazi za **ostala** natjecanja učenika organizirano na **međunarodnom** nivou, za čije učešće učenik nije ostvario plasman na nižoj razini (natjecanje po direktnoj liniji i sl.).....3 boda;
- g) Za osvojeno **prvo** mjesto, diploma, specijalna nagrada, nagrada u individualnom-solo, kolektivnom/ekipnom nastupu na **državnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....7 bodova;
- h) Za osvojeno **drugo** mjesto, diploma, specijalna nagrada, nagrada u individualnom-solo, kolektivno/ekipnom nastupu na **državnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....6 bodova;

- i) Za osvojeno **treće** mjesto, diploma, specijalna nagrada, nagrada u individualnom-solo, kolektivno/ekipnom nastupu na **državnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....5 bodova;
- j) Za **učesće** na **državnim** natjecanjima kao što su hor, individualni-solo, kolektivno/ekipni nastup, orkestar, prezentacije, izložbe, festivali, smotre iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....3 boda;
- k) Priznanja, diplome, pohvale, specijalne nagrade i drugi dokazi za **ostala** natjecanja učenika organizirano na **državnom** nivou, za čije učesće učenik nije ostvario plansman na nižoj razini (natjecanje po direktnoj liniji i sl.).....2 boda;
- l) Za osvojeno **prvo** mjesto, diploma, specijalna nagrada, nagrada u individualnom-solo, kolektivno/ekipnom nastupu na **federalnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....6 bodova;
- m) Za osvojeno **drugo** mjesto, diploma, specijalna nagrada, nagrada u individualnom-solo nastupu na **federalnim** natjecanjima iz oblasti tehničkog stvaralaštva, muzičkog, književnog, likovnog i drugog umjetničkog stvaralaštva.....5 bodova;
- n) Za osvojeno **treće** mjesto, diploma, specijalna nagrada, nagrada u individualnom-solo, kolektivno/ekipnom nastupu na **federalnim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....4 boda;
- o) Za **učesće** na **federalnim** takmičenjima/nastupima kao što su hor, individualni-solo, kolektivno/ekipni nastup, orkestar, prezentacije, izložbe, festivali, smotre iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....2 boda;
- p) Priznanja, diplome, pohvale, specijalne nagrade i drugi dokazi za **ostala** natjecanja učenika organizirano na **federalnom** nivou, za čije učesće učenik nije ostvario plansman na nižoj razini (natjecanje po direktnoj liniji i sl.).....1 bod;
- q) Za osvojeno **prvo** mjesto, diploma, specijalna nagrada, nagrada u individualnom-solo, kolektivno/ekipnom nastupu na **kantonalmim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....4 boda;
- r) Za osvojeno **drugo** mjesto, diploma, specijalna nagrada, nagrada u individualnom-solo kolektivno/ekipnom nastupu na **kantonalmim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....3 boda;
- s) Za osvojeno **treće** mjesto, diploma, specijalna nagrada, nagrada u individualnom-solo, kolektivno/ekipnom nastupu na **kantonalmim** natjecanjima iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....2 boda;
- t) Za **učesće** na **kantonalmim** natjecanjima kao što su hor, individualni-solo, kolektivno/ekipni nastup, orkestar, prezentacije, izložbe, festivali, smotre iz oblasti tehničkog stvaralaštva, muzičkog, književnog, likovnog, pozorišnog i drugog umjetničkog stvaralaštva.....1 bod;

- u) Priznanja, diplome, pohvale, specijalne nagrade i drugi dokazi za **ostala** natjecanja učenika organizirano na **kantonalom** nivou, za čije učešće učenik nije ostvario plasman na nižoj razini (natjecanje po direktnoj liniji i sl.).....1 bod.
- (2) Bodovanje po stavu (1) a), b), c), d), e), f), g), h), i), j), k), l), m), n), o), p) ovog člana, u smislu bodovanja tehničkog ili muzičkog stvaralaštva, bodovanje se vrši samo iz jedne takmičarske discipline i to iz discipline za koju je kandidat ostvario najveći plansman na natjecanju.

## Član 12.

### (Bodovanje po osnovu ostvarenih rezultata iz oblasti sporta i sportskih učeničkih školskih programa te drugih sportskih uspješnih ostvarenja)

(1) U skladu sa Pravilnikom o organizaciji natjecanja učenika srednjih škola ("Službene novine Tuzlanskog kantona", broj: 3/20) a na osnovu uspjeha iz oblasti sporta i sportskih učeničkih školskih programa te drugih sportskih uspješnih ostvarenja u kolektivnim/ekipnim sportovima i individualnim/pojedinačnim sportovima, kandidatu pripadaju sljedeći bodovi:

- a) za osvojevu **medalju** sa Olimpijskih/Paraolimpijskih igara.....10 bodova;
- b) za osvojevu **medalju** na zvaničnim svjetskim prvenstvima u olimpijskim ili paraolimpijskim sportovima, za **učešće** na Olimpijskim ili Paraolimpijskim igrama.....9 bodova;
- c) za osvojevu **medalju** na zvaničnim evropskim prvenstvima u olimpijskim ili paraolimpijskim sportovima, za **učešće** na zvaničnim svjetskim prvenstvima u olimpijskim ili paraolimpijskim sportovima.....8 bodova;
- d) za osvojevu **medalju** na svjetskom prvenstvu u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord-GAISF.....7 bodova;
- e) za osvojevu **medalju** na evropskom prvenstvu u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord-GAISF.....6 bodova;
- f) za osvojevu **medalju** na zvaničnim mediteranskim igrama, za **učešće** na zvaničnom evropskom prvenstvu i **učešće** na svjetskom ili evropskom prvenstvu u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord-GAISF.....5 bodova;
- g) za osvojevu **medalju** na zvaničnim balkanskim prvenstvima.....4 boda;
- h) za člana - **učešće** sportske organizacije koji je u kolektivnim sportovima ostvario perspektivne sportske rezultate na zvaničnim državnim natjecanjima (najviši rang), organizovanim od strane nacionalnih granskih sportskih saveza (prvenstvo ili KUP BiH) i koji su članovi u skladu sa postignutim rezultatima sportske organizacije ujedno i bili članovi selekcija Bosne i Hercegovine u periodu ostvarenog rezultata.....3 boda.



### **Član 13.**

#### **(Bodovanje po osnovu posebne diplome za ostvarene rezultate i diplome učenik generacije)**

(1) Po osnovu posebne diplome za ostvarene rezultate i diplome učenik generacije ostvarene tokom osnovnog obrazovanja, kandidatu pripadaju sljedeći bodovi:

- a) Učenik generacije.....10 bodova
- b) Posebna diploma.....9 bodova

(2) Pod posebnom diplomom za ostvarene rezultate iz stava (1) ovog člana podrazumijeva se posebna diploma koju je učenik stekao u skladu sa članom 66. Zakona o osnovnom odgoju i obrazovanju-prečišćeni tekst („Službene novine Tuzlanskog kantona“, broj: 10/20, 11/20, 8/21, 11/21, 22/21 i 5/22).

### **Član 14.**

#### **(Prednost pri jednakom broju bodova)**

Ukoliko na rang listi dva ili više kandidata ostvare isti broj bodova, prednost na rang listi ostvarit će kandidat koji je osvojio bolji rezultat/mjesto na višoj razini preme bodovanju iz člana 9, 10. i člana 11. ove Odluke.

## **IV - POSTUPAK DODJELE STIPENDIJA**

### **Član 15.**

#### **(Donošenje odluke i raspisivanje konkursa)**

(1) Odluku o raspisivanju konkursa za dodjelu stipendija redovnim učenicima srednjih škola u školskoj 2022/2023. godinu donosi Ministarstvo obrazovanja i nauke Tuzlanskog kantona (u daljem tekstu: Ministarstvo).

(2) Tekst konkursa i obrazac prijave na konkurs utvrđuje Ministarstvo.

(3) Konkurs obavezno sadrži sljedeće podatke:

- a) naziv organa koji objavljuje konkurs,
- b) adresu organa kojem se zahtjevi podnose,
- c) uslovi i kriteriji za dodjelu stipendije,
- d) dokazi koje kandidati prilažu uz prijavu na konkurs,
- e) rokovi za prijavu na konkurs,
- f) prava i obaveze kandidata,
- g) način isplate sredstava i
- h) druge eventualno potrebne podatke.

(4) Tekst konkursa se objavljuje na zvaničnoj veb stranici Ministarstva, od kada počinje teći rok za predaju dokumentacije i isti prosljeđuje školama radi isticanja teksta konkursa na oglasnoj ploči za učenike.

### **Član 16.**

#### **(Prijava na konkurs)**

(1) Prijave na konkurs sa potrebnom dokumentacijom, podnose se Ministarstvu, u roku od 10 dana od dana objavljivanja konkursa na veb stranici Ministarstva.

(2) Prijava na konkurs se vrši putem prijavnog obrasca, koji se može preuzeti na veb stranici Ministarstva i u službenim prostorijama Ministarstva.

(3) Kandidat je uz popunjen prijavni obrazac obavezan dostaviti i:

- a) uvjerenje o statusu redovnog učenika srednje škole u školskoj 2022/2023. godini (original ili ovjerena kopija),

- b) uvjerenje o državljanstvu (original ili ovjerena kopija),
- c) svjedočanstvo o prethodno završenom razredu škole (osnovne škole odnosno prethodno završeni razred srednje škole) - ovjerena kopija,
- d) ovjerena izjava kandidata (punoljetan) ili roditelja/staratelja (za maloljetne kandidate) da kandidat ne koristi ili nije dobitnik neke druge stipendije gdje je izvor finansija za stipendiju Budžet Tuzlanskog kantona,

(4) Kandidat je uz popunjen prijavni obrazac i obaveznu dokumentaciju dužan dostaviti posebnu dokumentaciju kojom dokazuje uspjehe i rezultate iz određene oblasti za koju je posebno nadaren kako je navedeno u članu 7. ove Odluke a koje podrazumijevaju sljedeće oblasti: opći uspjeh postignut u prethodnoj školskoj godini u smislu završenog razreda osnovne ili srednje škole, dokaz po osnovu uspjeha na natjecanjima iz oblasti predmeta iz nastavnog plana i programa, dokaz ostvarenog uspjeha u prethodnoj školskoj godini u smislu završenog razreda paralelne muzičke škole i osvojenih mjesta na natjecanjima, dokaz po osnovu ostvarenih rezultata iz oblasti tehničkog stvaralaštva, kulturno-umjetničkog stvaralaštva – književnih, likovnih, pozorišnih i muzičkih ostvarenja, dokaz po osnovu ostvarenih rezultata iz oblasti sporta i sportskih učeničkih školskih programa te drugih sportskih uspješnih ostvarenja, dokaz po osnovu ostvarene posebne diplome za ostvarene rezultate i diplome učenik generacije.

### **Član 17.**

#### **(Imenovanje i sastav Komisije)**

(1) Konkursnu proceduru provodi Komisija koju imenuje ministar obrazovanja i nauke Tuzlanskog kantona (u daljem tekstu: ministar), u roku od 10 dana od dana isteka roka za podnošenje prijave na konkurs.

(2) Komisija ima tri člana, imenovana ispred Ministarstva.

(3) Komisija za svoj rad odgovara Ministru.

(4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.

(5) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od osnova i najkasnije u roku od 8 dana od dana isteka roka za podnošenje prijave na konkurs sačiniti jedinstvenu rang listu i istu objaviti na veb stranici Ministarstva.

(6) Rang lista kandidata obavezno sadrži:

- a) prezime, ime jednog roditelja i ime kandidata,
- b) broj bodova po svakom od utvrđenih osnova,
- c) ukupan broj bodova po svim osnovama i
- d) pouku o pravnom lijeku sa tačno naznačenim rokom za ulaganje prigovora.

(7) Neblagovremene i nepotpune prijave Komisija neće uzimati u razmatranje.

### **Član 18.**

#### **(Postupak po prigovoru i donošenje konačne rang liste)**

(1) Na rang liste iz člana 15. stavovi (5) i (7) ove odluke, nezadovoljni kandidati mogu podnijeti prigovor u roku od 3 dana od dana objavljivanja listi na veb stranici Ministarstva.

(2) Prigovor se podnosi Ministarstvu u pisanoj formi.

(3) O podnesenim prigovorima odlučuje ministar u roku od 3 dana od dana isteka roka za podnošenje prigovora.

(4) Nakon okončanja postupka po prigovorima konačnu rang listu kandidata utvrđuje ministar.

**Član 19.**  
**(Ugovor o stipendiranju)**

(1) Na osnovu konačne rang liste, ministar sa kandidatom, odnosno roditeljem/starateljem kandidata, zaključuje ugovor o stipendiranju, kojim se bliže uređuju međusobna prava i obaveze.

(2) Ugovor iz stava (1) ovog člana zaključuje se u roku od 7 dana od dana isticanja konačnih rang listi na veb stranici Ministarstva.

(3) Ukoliko kandidat, odnosno roditelj/staratelj, u roku iz stava (1) ovog člana ne potpiše ugovor bez opravdanog razloga u pisanoj formi, kandidat gubi pravo na dodjelu stipendije, a stipendija se dodjeljuje prvom sljedećem kandidatu sa rang liste kandidata koji nije ostvario pravo na dodjelu stipendije.

**V - NAČIN ISPLATE STIPENDIJA**

**Član 20.**  
**(Isplata stipendije)**

(1) Stipendija se isplaćuje u četiri jednake mjesečne rate.

(2) Isplata stipendija vrši se putem štedne knjižice ili računa korisnika stipendije ili štedne knjižice ili računa roditelja/staratelja korisnika stipendije, otvorenog kod banke na području Federacije Bosne i Hercegovine.

(3) Evidenciju o korisnicima stipendija vodi Ministarstvo.

**Član 21.**  
**(Gubitak prava na stipendiranje)**

(1) Korisnik stipendije gubi pravo na dalju isplatu stipendije, ako u toku školske godine:

- a) napusti redovno školovanje,
- b) bude mu izrečena disciplinska mjera isključenja iz škole,
- c) po nekom drugom osnovu prestane mu status redovnog učenika,
- d) ako se naknadno utvrdi da su prilikom prijave na konkurs iznesene netačne činjenice na osnovu kojih mu je stipendija dodijeljena.

(2) Korisnik stipendije je dužan u roku od 30 dana od nastupanja okolnosti iz stava (1) tačka a), b) i c) ovog člana, obavijestiti davaoca stipendije o tim okolnostima.

**VI – ZAVRŠNE ODREDBE**

**Član 22.**

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanje i nauke**  
**Tuzlanskog kantona**  
**Broj: 10/1-34-018996/22**  
**Tuzla, 23.8.2022. godine**

**MINISTAR**  
**Dr. sci. Ahmed Omerović, s.r.**